

I. Disposicións xerais

MINISTERIO DE ADMINISTRACIÓN PÚBLICAS

17227 *ORDE APU/3007/2006, do 25 de setembro, sobre procedemento de concesión de subvencións para reparar os danos causados por incendios forestais ao amparo do Real decreto lei 8/2006, do 28 de agosto. («BOE» 236, do 3-10-2006.)*

A vaga de incendios na Comunidade Autónoma de Galicia durante os días 4 ao 14 de agosto de 2006, supuxo a perda de catro vidas humanas, ademais de miles de hectáreas queimadas.

Por iso, o Consello de Ministros na súa reunión do día 25 de agosto de 2006, dispuxo a aprobación do Real decreto lei 8/2006, do 28 de agosto (Boletín Oficial del Estado número 206, del día 29 de agosto), polo que se aproban medidas urxentes en materia de incendios forestais na Comunidade Autónoma de Galicia.

No seu artigo 12, faculta o Ministerio de Administracións Públicas para propoñerlles o pagamento das subvencións ás entidades locais, destinadas ás obras de reparación ou restitución de infraestruturas e equipamentos municipais, así como da rede viaria das deputacións provinciais, e a establecer o procedemento para a súa concesión, seguimento e control, no marco da cooperación económica do Estado aos investimentos das entidades locais.

Por outra banda, o artigo 1 do citado real decreto lei dispón, no seu parágrafo terceiro, que o Goberno mediante real decreto poderá declarar, con delimitación dos municipios e núcleos de poboación afectados, a aplicación das medidas previstas neste real decreto lei a outros incendios de características similares que acaecesen ou poidan acaecer, na mesma ou outras comunidades autónomas, desde o 1 de abril ata o 1 de novembro de 2006.

En consecuencia, guiados polos conceptos de racionalización e mellora da eficiencia, é preciso establecer o procedemento que se debe seguir para a concesión e tramitación, non só das subvencións mencionadas no Real decreto lei 8/2006, senón tamén en calquera outro real decreto que, ao abeiro do previsto no artigo 1.3 do real decreto lei anteriormente citado, poida ditarse; así como a información sobre o estado de execución das obras e o control da aplicación das subvencións á súa finalidade.

En cumprimento da disposición derradeira segunda do Real decreto lei 8/2006, do 28 de agosto, pola cal se facultan os titulares dos distintos departamentos ministeriais, no ámbito das súas respectivas competencias, para que ditén as disposicións necesarias e establezan os prazos para a execución das medidas previstas nel, dispoño:

Primeiro. *Ámbito territorial de aplicación.*—As subvencións obxecto desta orde seranlles de aplicación:

a) Aos municipios e núcleos de poboación da Comunidade Autónoma de Galicia que se determinen por orde do Ministerio do Interior.

b) A calquera outro municipio e núcleo de poboación que por ter padecido desde o 1 de abril de 2006 ou padecer ata o 1 de novembro de 2006 incendios forestais de efectos catastróficos, determine o Goberno mediante real decreto, ao abeiro do previsto no artigo 1.3 do Real decreto lei 8/2006.

Segundo. *Fins das subvencións.*—As subvencións recollidas nesta orde destinaranse a obras de reparación ou restitución de infraestruturas e equipamentos municipais e rede viaria das deputacións provinciais de Galicia, así como a calquera outra deputación provincial, cabido ou consello insular afectados polas declaracións que efectúe o Goberno, mediante real decreto.

Terceiro. *Redacción e remisión dos proxectos técnicos ou orzamentos das obras.*

1. No prazo de dous meses desde a publicación desta orde no Boletín Oficial del Estado, as deputacións provinciais interesadas, de oficio ou, se for o caso, por instancia dos concellos afectados, remitiranlle ao subdelegado do Goberno nas provincias respectivas os proxectos técnicos ou, cando se trate de actuacións previstas no artigo 56 do Real decreto legislativo 2/2000, do 16 de xuño, polo que se aproba o texto refundido da Lei de contratos das administracións públicas, os orzamentos correspondentes ás obras de reparación ou restitución.

2. No caso de que as deputacións provinciais interesadas non remitan os proxectos técnicos ou os orzamentos dentro do indicado prazo, os concellos afectados poderán facelo subsidiariamente, no prazo dun mes desde o vencemento daquel.

Cuarto. *Informe dos proxectos técnicos ou dos orzamentos pola Comisión de Asistencia ao Subdelegado do Goberno.*—No prazo de vinte días desde a finalización dos prazos previstos no punto anterior, a Comisión de Asistencia ao Subdelegado do Goberno nas provincias interesadas emitirá informe sobre os proxectos técnicos ou orzamentos comprensivo dos seguintes aspectos:

a) Que a tipoloxía das obras corresponde á contida no punto segundo desta orde.

b) Carácter das reparacións ou restitucións, relativo a se as obras propostas se acomodan ás infraestruturas e equipamentos preexistentes ou implican alteracións delas, en cuxo caso só serán obxecto de subvención aquelas modificacións que se consideren necesarias para a súa mellora técnica. En caso de que as variacións introducidas non se considerasen xustificadas, a Comisión de Asistencia ao Subdelegado do Goberno comunicarllo motivadamente á deputación provincial, ou se é o caso, aos concellos afectados.

c) Valoración das obras e orde de prioridade entre elas, atendendo a criterios de necesidade, co fin de poder axustar, se as circunstancias o requiren, as disponibilidades crediticias ás demandas formuladas.

d) Que as obras que, por requirilo a correcta prestación dos servizos, fosen adxudicadas a contratistas ou a propia Administración acordase a súa execución directa, con anterioridade á entrada en vigor desta orde ministerial ou dos reais decretos polos cales se inclúan outros entes territoriais no ámbito de aplicación do Real decreto lei 8/2006, cumpren cos requisitos anteriormente indicados.

Quinto. *Asignación das subvencións.*

1. O subdelegado do Goberno nas provincias afectadas remitiralle á Dirección Xeral de Cooperación Local, do Ministerio de Administracións Públicas, o informe sinalado no parágrafo anterior, dentro do prazo de 10 días desde a expiración do prazo para a súa emisión, acompañado dunha relación cuantificada e priorizada dos proxectos técnicos ou dos orzamentos que, tendo informe favorable da Comisión de Asistencia, deban recibir subvención, mediante o modelo que figura como anexo I para cada entidade local. Na devandita relación deberán sinalarse as obras xa adxudicadas conforme o previsto na letra d) do punto anterior.

2. Á vista da relación e do informe, o director xeral de Cooperación Local, por delegación do secretario de Estado de Cooperación Territorial segundo o disposto na orde de delegación de competencias do departamento, asignaralles as subvencións ás deputacións provinciais interesadas e/ou, se for o caso, aos concellos, logo de comprobación da súa conformidade co establecido nesta orde. A citada asignación das subvencións efectuarase con cargo ao crédito previsto no artigo 12 do Real decreto lei 8/2006, do 28 de agosto.

Sexto. *Contía e límites da subvención estatal.*

1. A subvención do Estado será de ata o 50 por cento do importe dos proxectos técnicos ou dos orzamentos das obras.

2. O resto do importe das obras poderá ser financiado mediante achegas dos concellos afectados, se for o caso, e das subvencións que poidan conceder as correspondentes deputacións provinciais e comunidades autónomas interesadas.

3. O importe das subvencións reguladas nesta orde en ningún caso poderá ser de tal contía que en concorrencia con subvencións ou axudas doutras administracións públicas, ou doutros entes públicos ou privados, nacionais ou internacionais, supere o custo da actividade que vai desenvolver o beneficiario.

Sétimo. *Programa de financiamento das obras.*

1. Tendo en conta a relación de proxectos con informe favorable das subdelegacións do Goberno nas provincias afectadas a que fai referencia o punto quinto, as deputacións provinciais e/ou, se for o caso, os concellos, elaborarán e aprobarán un programa de financiamento, detallado por obras, en que se especificarán todos os axentes de financiamento e o importe das súas respectivas achegas, segundo o modelo que consta como anexo II.

2. Este programa de financiamento remitiranllo as deputacións provinciais e/ou, se for o caso, os concellos á Dirección Xeral de Cooperación Local, no prazo dun mes desde que esta lle notificase a concesión das subvencións.

Oitavo. *Adxudicación, remate e seguimento das obras.*

1. As deputacións provinciais interesadas e, se é o caso, os municipios afectados procederán á execución das obras. Se non fosen adxudicadas ou a propia Administración acordase a súa execución directa no momento da entrada en vigor desta orde, os acordos de adxudicación a contratistas ou de execución directa deberán efectuarse no prazo de catro meses desde a notificación da concesión das subvencións pola Dirección Xeral de Cooperación Local.

2. As obras deberán quedar totalmente rematadas dentro do ano seguinte ao do vencemento do prazo de catro meses indicado no parágrafo 1 anterior.

3. As deputacións provinciais e/ou, se é o caso, os concellos, daranlle conta do estado de execución das obras á Dirección Xeral de Cooperación Local, dentro do mes seguinte ao vencemento de cada semestre natural, utilizando para tal efecto o modelo do anexo V.

Noveno. *Ampliación de prazos.*

1. Os prazos recollidos nesta orde poderán ser ampliados pola Dirección Xeral de Cooperación Local, se a xuízo desta existe xusta causa, de oficio ou por instancia das entidades interesadas.

2. A solicitude de ampliación dos ditos prazos deberá remitírselle á Dirección Xeral de Cooperación Local antes do vencemento dos establecidos con carácter xeral, co fin de poder resolver sobre ela, aplicándose o disposto no artigo 49.3 da Lei 30/1992, do 26 de novembro, de réxime xurídico das administracións públicas e do procedemento administrativo común, coas modificacións introducidas pola Lei 4/1999, do 13 de xaneiro. A solicitude expresará a duración da prórroga que se pide, os motivos que a fundamentan e, sempre que sexa posible, a xustificación documental. Poderá efectuarse por medios informáticos, electrónicos e telemáticos sempre que permitan acreditar a súa constancia.

3. De acordo co disposto no artigo 49.1 da Lei 30/1992, do 26 de novembro, de réxime xurídico das administracións públicas e do procedemento administrativo común, coas modificacións introducidas pola Lei 4/1999, do 13 de xaneiro, as resolucións das prórrogas deberán serlles notificadas aos interesados.

Décimo. *Procedemento de pagamento.*—Con base nas certificacións de adxudicación das obras subvencionadas ou nos acordos de execución destas pola propia Administración, segundo os modelos dos anexos III e IV, o Ministerio de Administracións Públicas libraralles ás deputacións provinciais e/ou, se é o caso, aos concellos a totalidade da subvención asignada a cada obra.

As deputacións provinciais e/ou, se for o caso, os concellos, deberán presentar na Dirección Xeral de Cooperación Local a correspondente carta de pagamento, en que consignará a normativa ao amparo da cal se concedeu aquela, o importe da subvención, así como o número de obra, no prazo de trinta días desde a data da súa realización.

Décimo primeiro. *Liquidación das subvencións.*—As deputacións provinciais e/ou, se for o caso, os concellos, presentarán na Dirección Xeral de Cooperación Local a liquidación das subvencións, dentro dos tres meses seguintes á finalización do prazo, xeral ou prorrogado, de remate das obras, no modelo que figura no anexo VI.

Décimo segundo. *Reintegro de subvencións.*—As subvencións que non se aplicasen á súa finalidade dentro do prazo de execución establecido no punto oitavo deberán ser reintegradas ao Tesouro Público, xunto co xuro de mora desde o momento do seu pagamento, de conformidade co procedemento establecido no título II da Lei 38/2003, do 17 de novembro, xeral de subvencións.

Disposición adicional primeira. *Prazos aplicables para a obtención de subvencións polas entidades territoriais que, ao amparo do artigo 1.3 do Real decreto lei 8/2006, poidan incluírse no ámbito de aplicación desta orde, de conformidade co previsto na disposición primeira b.*

Os prazos fixados no punto terceiro («Redacción e remisión dos proxectos técnicos ou orzamentos das obras») computaranse desde o día seguinte ao da publicación no Boletín Oficial del Estado do real decreto polo cal se inclúan no ámbito de aplicación das medidas recollidas no Real decreto lei 8/2006.

Comezarán a computarse desde a finalización dos prazos sinalados no parágrafo anterior todos os demais referidos nesta orde, tendentes a cumprir os trámites requiridos para a obtención das subvencións, que se establecen nos puntos seguintes:

a) Punto cuarto, informe dos proxectos técnicos ou orzamentos das comisións de Asistencia ao Subdelegado do Goberno.

b) Punto quinto, remisión do citado informe á Dirección Xeral de Cooperación Local polos subdelegados do Goberno.

Disposición adicional segunda. *Subvencións a favor das entidades locais da Comunidade Autónoma de Cataluña.*

No caso de que o Goberno declare a aplicación das medidas previstas no Real decreto lei 8/2006, do 28 de agosto, a termos municipais e núcleos de poboación da Comunidade Autónoma de Cataluña, o procedemento para a concesión de subvencións será o seguinte:

1. As subvencións a favor das entidades locais situadas na Comunidade Autónoma de Cataluña rexeranse polo disposto na disposición adicional segunda do Real decreto 835/2003, do 27 de xuño, polo cal se regula a cooperación económica do Estado aos investimentos das entidades locais. De acordo coa citada disposición corresponderalle á Generalitat de Cataluña a elaboración e aprobación do programa de financiamento das actuacións subvencionadas en que constarán a subvención do Estado e as achegas das restantes administracións públicas a cada unha delas.

2. Para os efectos de dispor das subvencións do Estado, o programa de financiamento ao cal se refire o parágrafo anterior deberá ser aprobado dentro do prazo de catro meses desde o día seguinte ao da publicación no Boletín Oficial del Estado do real decreto polo cal se inclúen municipios e núcleos de poboación da Comunidade Autónoma de Cataluña no ámbito de aplicación das medidas recollidas no Real decreto lei 8/2006.

3. A Generalitat de Cataluña remitiralles ás comisións de asistencia aos subdelegados do Goberno nas provincias afectadas información sobre os proxectos técnicos en que se recollan, polo menos, os seguintes datos correspondentes a cada actuación: municipios, custo ou orzamento desta, infraestrutura e equipamento municipal e rede viaria das deputacións provinciais, carácter da actuación, sinalando se é simple reparación da instalación ou implica alteracións, proposta de subvención do Estado e achegas das restantes administracións públicas.

As comisións de Asistencia ao Subdelegado do Goberno emitirán informe sobre as actuacións incluídas no programa con cargo á achega do Estado dentro do prazo de quince días desde a súa recepción, para os efectos de constatar que a tipoloxía das obras e o carácter das reparacións ou restitucións se axustan ao disposto no Real decreto lei 8/2006, do 28 de agosto. No caso de que as variacións introducidas non se considerasen xustificadas, as comisións de Asistencia ao Subdelegado do Goberno comunicaranllo motivadamente á Generalitat de Cataluña.

Á vista da relación e dos informes das comisións de Asistencia ao Subdelegado do Goberno afectas, a Dirección Xeral de Cooperación Local, logo de comprobación da súa conformidade co establecido nesta orde, tramitará as subvencións á Generalitat de Cataluña, de acordo co previsto no artigo 86 («Subvencións xestionadas») da Lei 47/2003, do 26 de novembro, xeral orzamentaria.

Disposición adicional terceira. *Referencias a outras entidades territoriais e órganos periféricos.*

a) Todas as referencias contidas nesta orde ás deputacións provinciais se entenderán feitas aos cabidos e consellos insulares, así como ás comunidades autónomas uniprovinciais, no suposto de que mediante real decreto e ao amparo do previsto no artigo 1.3 do Real decreto lei 8/2006 o Goberno inclúa no ámbito de aplicación deste outros entes territoriais.

b) No suposto previsto no punto anterior, todas as referencias contidas aos subdelegados do Goberno se entenderán feitas ao delegado do Goberno cando así proceda.

Disposición derradeira. *Entrada en vigor.*

Esta orde entrará en vigor o día seguinte ao da súa publicación no Boletín Oficial del Estado.

Madrid, 25 de setembro de 2006.—O ministro de Administracións Públicas, Jordi Sevilla Segura.

ANEXO I**Subvencións para obras de reparación ou restitución de infraestruturas e equipamentos locais danados por incendios forestais, ao abeiro do Real decreto lei 8/2006, do 28 de agosto de 2006**

Relación cuantificada dos proxectos técnicos ou orzamentos que a Comisión de Asistencia ao Delegado/Subdelegado do Goberno informou favorablemente e propostos á Dirección Xeral de Cooperación Local para a obtención de subvención estatal.

CC.AA/PROVINCIA/ILLA:.....						
Municipio	Núcleo de poboación	Obra		Importe en euros		
		Número (1)	Denominación	Reposición	Alteracións	Total

(1) Asignarase numeración correlativa.

Don/Dona....., secretario/a da Delegación/Subdelegación do Goberno na CC.AA/provincia de.....

CERTIFICO: que esta relación de proxectos técnicos e orzamentos foi proposta para a obtención de subvención estatal de acordo co informe favorable da Comisión de Asistencia ao delegado/subdelegado na súa sesión do de de

Para que así conste, e para a súa remisión á Dirección Xeral de Cooperación Local do Ministerio de Administracións Públicas, expido esta certificación, de orde e co visto e praxe do delegado/subdelegado do Goberno, de de

(Sinatura do secretario/a)

V. e pr.

O delegado/subdelegado do Goberno

ANEXO II**Subvencións para obras de reparación ou restitución de infraestruturas e equipamentos locais danados por incendios forestais, ao abeiro do Real decreto lei 8/2006, do 28 de agosto de 2006****PROGRAMA DE FINANCIAMENTO DAS OBRAS**

Obra			Municipio	Núcleo de poboación	Programa de financiamento expresado en euros					
Número	Denominación	Código			Orzamento	Participes				
			AGE (MAP)	Com. autónoma		Deputación	Concello	Outros		

Don/Dona en calidade de

CERTIFICO: que este programa de financiamento foi aprobado por con data do de de

Para que así conste, e para a súa remisión á Dirección Xeral de Cooperación Local do Ministerio de Administracións Públicas, expido esta certificación, de orde e co visto e praxe do de de

(Sinatura do secretario/a)

V. e pr.

O

ANEXO III**Subvencións para obras de reparación ou restitución de infraestruturas e equipamentos locais danados por incendios forestais, ao abeiro do Real decreto lei 8/2006, do 28 de agosto de 2006**

ENTIDADE.....

ANO DO PLAN: 200_

(importes en euros)

CERTIFICADO DE ADXUDICACIÓN DO CONTRATO DE OBRAS

D/na.

Secretario(a) de (entidade local contratante)

CERTIFICO: que esta entidade adxudicou o contrato da obra cuxas circunstancias se expresan a seguir:

I. ADXUDICACIÓN DO CONTRATO

1. OBRA Nº :	
a) Denominación:	
2. MUNICIPIO:	
a) Denominación:.....	b) Código de identificación
3. PROCEDEMENTO DE ADXUDICACIÓN:	
Aberto, restrinxido ou negociado.	
4.FORMA DE ADXUDICACIÓN:	
Poxa ou concurso, se o procedemento de adxudicación é aberto ou restrinxido	
5. OUTROS SUPOSTOS DE CONTRATACIÓN:	
Contrato menor, emerxencia, etc...	
6. CONTRATISTA:	
a) Denominación:.....	b) CIF/ NIF
7. DATA ADXUDICACIÓN:	

II. DISTRIBUCIÓN DO FINANCIAMENTO

PARTÍCIPIES	1 ORZAMENTO DO PROXECTO	2 ADXUDICACIÓN DO CONTRATO	3 BAIXA (1-2)
1.Subvención a través do MAP 2.Deputación 3.Comunidade autónoma 4.Concello 5.Outros			
TOTAIS			

III. IMPORTE DEFINITIVO SUBVENCIÓN MAP

(en proporción á adxudicación do contrato, importe reflectido na columna 2.1)

--

Para que conste, e para a súa remisión á Dirección Xeral de Cooperación Local, do Ministerio de Administracións Públicas, para os efectos do cobramento da subvención a cargo da Administración xeral do Estado, expido esta certificación, de orde e co visto e prace do, de, de

(Sinatura do secretario/a)

V. e pr.

O

ANEXO V**Subvencións para obras de reparación ou restitución de infraestruturas e equipamentos locais danados por incendios forestais, ao abeiro do Real decreto lei 8/2006, do 28 de agosto de 2006**

Información sobre o ESTADO DE EXECUCIÓN das obras correspondente ao semestre natural de

(importe en euros)

Muni cipio	Núcleo de poboación	Nº da obra	Denominación	Importe de adjudicación	ESTADO DE EXECUCIÓN DAS OBRAS				Observacións
					Execución semestre anterior	Execución semestre actual	Total executado	Pendente de execución	
					a) Total	a) Total	a) Total	a) Total	
					b) Subv. MAP	b) Subv. MAP	b) Subv. MAP	b) Subv. MAP	
TOTALS a)									
b)									

Don/Dona en calidade de

CERTIFICO: que dos documentos xustificativos da execución das obras resultan os datos que se consignan no estado demostrativo anterior.

Para que así conste, e para a súa remisión á Dirección Xeral de Cooperación Local do Ministerio de Administracións Públicas, expido esta certificación, de orde e co visto e praxe do, de de

(Sinatura do secretario/a)

V e pr.

O

ANEXO VI**Subvencións para obras de reparación ou restitución de infraestruturas e equipamentos locais danados por incendios forestais, ao abeiro do Real decreto lei 8/2006, do 28 de agosto de 2006****LIQUIDACIÓN DAS SUBVENCIÓN**

(importe en euros)

Municipio	Núcleo de poboación	Obra		Importe de adjudicación	Obras rematadas	Data de remate da obra
		Número	Denominación			
		a) Total	a) Total			
				b) Subvención MAP	b) Subvención MAP	
				a)	a)	
				b)	b)	

Don/Dona en calidade de

CERTIFICO: que segundo os documentos xustificativos da execución das obras, estas foron rematadas co importe e na data que se indicaron anteriormente.

Para que así conste, e para a súa remisión á Dirección Xeral de Cooperación Local do Ministerio de Administracións Públicas, expido esta certificación, de orde e co visto e praxe do, de de

(Sinatura do secretario/a)

V. e pr.

O